

**Аҳмад Фарғоний номидаги вилоят АҚМда 2017 йил
2 чорак давомида бажарилган ишлар хақида
МАЪЛУМОТ**

АҚМнинг умумий фонди 2017 йил 1 апрель ҳолатига **312977** нусха нашрлардан ташкил топган. 2017 йил 2 чоракда кутубхонага,

- **507** номда **1135** нусхада янги нашрлар келиб тушди;
- 2017 йил 2 чорагида **26505** нусха нашрлар фонддан чиқарилди.

АҚМ фонди **01.07.2017** йил ҳолатига **287607** нусхани ташкил этиб, улардан:

- **42188** таси ўзбек тилида кирилл ёзувида,
- **2632** таси лотин ёзувида,
- **234238** та рус тилида,
- **8549** та чет тилларидаги нашрлардан иборат.
- **869** номда **1508** дона электрон ресурслар мавжуд.

Ҳисобот даври давомида ягона абонемент бўйича **1348** нафар янги китобхон рўйхатга олиниб, улардан 346 нафари қайта рўйхатдан ўтганлар. 2016 йил 2 чорагида **1211** нафар китобхон рўйхатга олинган бўлиб, ўтган йилга нисбатан **137** нафарга кўпни ташкил этди. 2017 йил 2 чорагида кутубхонага қатнов сони **51724** тани (2016 йилда **48183**) ташкил этиб, **150372** нусха (2016 йилда **122523** нусха) нашр ва ахборот берилишига эришилди. Кўрсаткичлар ўтган йилга нисбатан **3541** қатнов, **27849** нашр берилишига кўпайди.

2017 йил 2 чоракда АҚМда жами 10 та оммавий ва 117 та турли кичик тадбирлар ўтказилиб, уларда **2349** нафар китобхонлар иштирок этди. Булар:

- Кечалар, юбилейлар –**4/385**
- Тақдимот –**1/22**
- Учрашув – **3/200**
- Маънавий-маърифий тадбир – **2/93**
- Суҳбатлар – **16/435**
- Маънавият соати - **3/68**
- Дарслар – **6/16**
- Обзорлар – **4/58**
- Мунозаралар- **31/85**
- Ахборот дақиқаси – **5/240**
- “Саломатлик” клуби -**21/16**
- “Ёш ижодкорлар” клуби – **2/52**
- Ҳуқуқий саводхонлик соати – **3/66**
- Ахборот куни – **1/30**
- Викторина – **1/27**
- Филворд-ўйин – **1/35**
- Экскурсиялар - **23/521** (марта/катнашганлар сони)

2 чорак давомида таркибий бўлимларда **71** та доимий, мавзули кўргазмалар ташкил этилди. Жами кўргазмаларга **1197** нашр тақдим этилиб, улар билан **8068** китобхон танишиди.

АҚМ фаолиятини ва тақдим этиладиган хизматлар турини тарғиб қилишда <http://ferlibrary.uz> web-сайт катта аҳамиятга эга.

Ҳисобот даврида қуйидаги бўлимлар очилди ва бойитилди:

- “Тадбирлар анонси”, “Жисмоний ва юридик фуқаролар мурожаати”, “Хужжатларни электрон етказиб бериш” сахифалари очилди.

Ҳисобот даври давомида АҚМ <http://ferlibrary.uz> сайти 84 марта бойитилди ва янгиланди.

Ҳисобот даврида сайтнинг энг машҳур саҳифаси «Ўзбекистоннинг буюк одамлари» саҳифасидан Камолиддин Беҳзодга бағишлиланган бўлим. Шунингдек, ўзбек ва рус тилларида ҳуқуқий ахборот сектори бўлимининг “Долзарб ҳуқуқий ахборот” саҳифасининг Ўзбекистон Республикаси фуқаролиги ҳақида бўлими, Президент Ш. Мирзиёвнинг асарлари, янгиликлар блоки, “Кутубхоначидан сўранг”, Ахборот-ресурс марказлари, Миллий истиқлол тоғаси кўргазмаси ва бошк.

2 чоракда ташриф буюрувчилар географияси. Энг катта трафик Ўзбекистондан, кейин Россия, Колумбия, АҚШ, Қирғизистон, Тожикистон, Қозоғистон республикалари.

“АҚМ ОАВ саҳифаларида” саҳифаси мунтазам бойитиб борилмоқда. 2 чоракда республика ва маҳаллий нашрларнинг б мақоласи билан бойитилди.

2017 йил 2 чоракда АҚМ сайти фойдаланувчилар сони счетчик бўйича **4770 ни** ташкил этди. 2016 йил 2 чорагида эса бу кўрсаткич **3357 ни** ташкил этган эди.

“Кутубхоначидан сўранг” виртуал маълумот хизмати - 11 фойдаланувчидан 11 сўров бажарилди. Ҳужжатларни электрон етказиб бериш хазмати бўйича 11 фойдаланувчига 11 ахборот етказиб берилди.

Фойдаланувчиларни жалб қилиш мақсадида таркибий бўлимлар ходимлари тадбирларнинг турли шаклларидан фойдаланмоқдалар.

Таркибий бўлимлар фаолиятини, фондини, тақдим этиладиган хизматлар турини АҚМ фойдаланувчилари орасида тарғиб қилиш мақсадида “Кутубхона билан танишув” мавзусида кутубхона бўйлаб саёҳатлар (**23 экспедиция/521 киши**), янги адабиётлар кўргазмалари (**7 кўргазма /127 нашр**) ва кўргазма олдидағи обзорлар (**4 обзорларда 58 киши** иштирок этган) ташкил этадилар.

Фойдаланувчиларни жалб қилишда **Маънавият соатлари** –(3/68 иштирок этди, берилди- 75 нусха), **Компьютер саводхонлиги дарслари** –(6/16 АҚМ фойдаланувчиси ўқитилди) катта аҳамиятга эга.

Китобхонларни ватанпарварлик, эстетик тарбиясига кўмаклашувчи, мулоқот қилишининг шундай хизмат шаклларидан бири қизиқувчилар клубларидир. Клублар – бу аҳолини, шу жумладан ёшларни кутубхонага жалб қилиш, бўш вақтни мазмунли ташкил этиш, кутубхонада ишонч ва самимийликни яратиш ҳисобига содик дўстлар ва ёрдамчилар пайдо бўлади. Клубларнинг иши тегишли таркибий бўлимлар иш режаларига мувофиқ амалга оширилади.

Хорижий тиллардаги адабиётлар зали қошида ташкил этилган хорижий тилларга қизиқувчилар клуби ўз фаолиятини 3 та: инглиз, немис ва корейс тили гурухларига бўлди. Клубларнинг асосий мақсади – ўрганаётган тилида мулоқот қилишни ривожлантириш, мамлакатнинг тарихи, маданияти ва бошқ. билан танишишдир.

Қизиқувчилар клуби мунозара ва тадбирларни муҳим ва унутилмас саналарга бағишлиб ўтказмоқда. Ҳисобот даврида инглиз, немис, корейс тилларида 31 мунозаралар ўтказилиб, уларда 85 нафар клуб аъзолари қатнашди.

“Саломатлик” клубининг мақсади соғлом турмуш тарзини тарғиб қилиш бўлиб, машғулотлар хафтанинг сесанба, пайшанба ўтказилади. Машғулотларда “Утренняя зарядка”, “Вууле Виилма. Книга №1 Об атеросклерозе”, “Тренируй позвоночник” мавзулари кўриб чиқилди. 2 чорак давомида ўтказилган 21 машғулотда 16 нафар клуб аъзолари қатнашди.

Ёшлар ўтасида китоб мутолаасини тарғиб этиш, китобхонлик маданиятини ошириш бўйича олиб борилган ишлар натижасида, 2016 йилдан бошлаб АҚМнинг қизиқувчилар клуби сафига яна битта клуб қўшилди. Эркин Воҳидов номидаги **“Ёш ижодкорлар”** клубида адабиёт ихлосмандлари йиғилиб, ўзаро фикр-алмашадилар, ўз ижодларидан намуналар ўқиб берадилар. Ҳисобот даврида “Мутолаа инсонга нима беради?”, “Ёшлар ҳаётида китобнинг ўрни” мавзуларида 2 марта машғулот ўтказилди ва мунозараларда 52 нафар клуб аъзолари қатнашди.

Бугунги кунда АҚМ ахборот, маданий-таълим маркази хисобланиб, фойдаланувчиларни АҚМга жалб қилишининг янги йўлларини топиш билан хизмат кўрсатиш

шаклларини ва ахборотни янада тўликроқ тақдим этишни мунтазам такомиллаштириб бормоқда.

Ўзбекистон халқ шоираси Зулфия таваллудининг 102 йиллиги муносабати билан унинг миллий адабиётимиз ва маданиятимиз ривожига қўшган улкан хиссасини, унинг ижодий мероси ва ибратли ижтимоий фаолиятини ёшлар ўртасида тарғиб қилиш мақсадида тадбирлар ўтказилди.

2017 йил 14 март куни умумий ўкув залида “Халқимга айтар сўзим” кўргазмасидаги нашрлар шарҳи бўлиб ўтди. Кўргазмада шоиранинг бетакрор истеъодидан яралган “Тонг билан шом аро”, “Сайланма”, “Сени куйлайман ҳаёт” ва бошқа нашрлари, шунингдек матбуот нашрларида чоп этилган мақолалари тақдим этилган.

Сектор ходими М. Эргашева кўргазмадаги нашрлар шарҳини ўтказар экан, шоиранинг 100 йиллигини нишонлаш арафасида чоп этилган ўзбек тилидаги “Сайланма” асарлари, инглиз ва корақалпоқ тилларига таржима қилинган шеърий тўпламлари ва “Зулфия замондошлари хотирасида” китоби ҳакида маълумот берди.

2017 йил 15 март куни маънавият ва маърифат секторида “Зулфия – Шарқнинг шоираси” мавзусида маънавият соати ўтказилди.

Тадбир иштирокчилари Зулфиянинг ҳаёти ва ижодий фаолияти билан яқиндан танишдилар. Зулфияни садоқат ва вафо рамзи дейилишини, турмуш ўртоғи Ҳамид Олимжонга бўлган садоқати ҳакида ўз фикр-мулоҳазаларини билдирилар.

16 март куни Аҳмад Фарғоний номидаги ахборот-кутубхона марказида Зулфия номидаги давлат мукофоти совриндори бўлган Фарғона давлат университети талабаси Муштарий Курбонова билан ижодий учрашув бўлиб ўтди. Тадбирда Муштарий Курбонованинг санъат асарлари кўргазмаси ҳам ташкил этилди.

Истиқлол йилларида халқимиз ўртасида “Зулфия қизлари”, “элимизнинг эрка қизлари” деган ёрқин иборалар пайдо бўлди. Мана шундай эл қизларидан бири бугун кутубхонамиз меҳмони бўлди. Муштарийбеким Курбонова Президентимиз Шавкат Мирзиёевнинг Фармонлари билан Зулфия номидаги давлат мукофоти соҳиби бўлди.

Муштарийбеким пейзаж, натюроморт, портрет, миниатюра йўналишидаги асарларидаги ўзига хослиги, янгича ижодий ёндашувлари билан алоҳида ажralиб туради. Шу боис У 2016 йил Қозоғистон, Россия давлатларида ҳамда мамлакатимиз миқёсида ўтказилган кўплаб танловларда фахрли ўринларни қўлга киритган.

Тадбирда Муштарийбеким устозлари Ферузахон Қаххорова, “Театр” журнали бош мухаррири, Ёзувчилар уюшмаси аъзоси Азизбек Турдиев, “Ёшлик” журнали бош мухаррири, Ёзувчилар уюшмаси аъзоси Нодир Жонузоқ Муштарийбекимга ижодига муваффақият тиладилар.

Жами тадбирларда 145 нафар фойдаланувчи иштирок этди. Ташкил этилган кўргазмаларга 75 нашр тақдим этилди, 17 нашр берилди.

Бу йил юртимизда буюқ бобокалонимиз, соҳибқиран Амир Темур таваллудининг 681 йиллиги кенг нишонланди. Шу муносабат билан АКМда ҳам бир қатор тадбирлар ташкил этилди. Жумладан,

5 апрель куни АКМ ходимлари учун “Амир Темур - буюқ саркарда ва давлат арбоби” мавзусида маънавият соати ўтказилди.

Тадбирни АКМ ходими З. Зарипова олиб борди ва Амир Темурнинг болалик ва ўсмирилик чоғлари, дунё тарихида ёрқин из қолдирган энг улкан қаҳрамонликлар она Ватанини босқинчилар асоратидан озод қилишда ва халқни мустамлака зулмидан қуткаришда кўзга яққол ташланиши, илм-фан, маданият ва санъат аҳлига ҳар тарафлама рағбат кўрсатиб, қулагай шарт –шароитлар яратиб, уларнинг ижодкорлик ишларини руёбга чиқаришга кўмаклашгани, жамиятнинг истеъодод соҳибларини қадрлаб, уларни кенг кўламли бунёдкорлик ишларига жалб этиб боргани ҳакида маълумот берди.

2017 йил 6 апрель куни хорижий адабиётлар ўкув залида “Шарқнинг буюқ ҳукмдори” номли тақдимот ўтказилди. Тадбирда доимий фойдаланувчилар иштирок этди.

Тадбирдан кўзланган мақсад – ўзбек халқининг бой маданий меросини, инсоният тарихидаги ролини ҳаққоний ёритиш, ёшларни Ўзбекистон тарихи билан чуқурроқ танишириш, умуминсоний қадриятлар ва бой миллий меросимизга хурмат руҳида тарбиялашдир.

Тақдимотда Амир Темурнинг дунё тарихида ёркин из қолдирган энг улкан қаҳрамонликлар она Ватанинни босқинчилар асоратидан озод қилишда ва халқни мустамлака зулмидан куткаришда кўзга яқол ташланиши, илм-фан, маданият ва санъат ахлига ҳар тарафлама рағбат кўрсатиб, қулай шарт –шароитлар яратиб, уларнинг ижодкорлик ишларини руёбга чиқаришга кўмаклашгани, жамиятнинг истеъодод соҳибларини қадрлаб, уларни кенг кўламли бунёдкорлик ишларига жалб этиб боргани ҳақида маълумот берилди. Шунингдек, Амир Темурнинг ўзбек давлатчилиги тарихида тутган ўрни, мустақиллик йилларида унинг ҳаёти, фаолиятини ўрганиш, хотирасини эъзозлаш борасида амалга оширилган ишлар ҳақида сўз борди.

7 апрель куни абонемент секторида “Етти иқлим султони” номли китоб кўргазмасидаги адабиётлар шархи ўтказилди. Тадбирда доимий фойдаланувчилар иштирок этди.

Шарҳ бошида Амир Темурнинг ҳаёти ва бунёдкорлик ишлари, эзгу амаллари ҳақида қисқача маълумот берилди. Кўргазмага Амир Темур ҳақида илмий нашрлар билан бир қаторда бадиий асарлар ҳам тақдим этилди. Улар орасида Нурали Қобулнинг 2014 йилда чоп этилган Етти иқлим хоқони ёхуд аҳд ва тахт номли тарихий романи, Пиримқул Қодировнинг Амир Темур сиймоси, Муҳаммад Алининг Амир Темур чамани, Чўлпоннинг Темурнома асарларини кўриш мумкин.

Тадбирларда 64 нафар фойдаланувчи иштирок этди. Ташкил этилган кўргазмаларга 35 нашр тақдим этилди, 27 нашр берилди.

9 май – Хотира ва қадрлаш куни муносабати билан халқимизнинг эзгу фазилатлари янада ёркин намоён бўлади. Ўтганларнинг номларини ёд этиш, хотирасини хурмат билан эслаш, уларнинг арвоҳларини шод қилиш муқаддас одат сифатида қон-қонимизга сингиб кетган.

3 май куни умумий ўқув зали секторида “**Инсон хотираси – муқаддас, инсон қадри - абадий**” мавзусида учрашув ўтказилди. Тадбирга Иккинчи жаҳон уруши фахрийси Убайдулла Абдуллаев таклиф этилди. Тадбирда шунингдек “Ўзбектелеком” АК Фарғона филиали ва “Ўзбекистон почтаси” ходимлари, доимий китобхонлар иштирок этди.

Тадбир Хотира ва қадрлаш кунига бағишлиланган видео лавҳа намойиши билан бошланди. Убайдулла Абдуллаев ўз сўзида юртимизда яшаган аҳолидан бир миллиондан зиёди урушда қатнашгани, жанг жадалларда ҳалок бўлган, бедарак кетган, бир сўз билан айтганда, уруш майдонида ўз Ватани учун жон берганларини, бугунги ёшлар юртпарварлик, меҳнатсеварлик ғояларига амал қилишлари, аждодларининг энг яхши анъаналаридан фахрланишлари, уларга муносиб ворислар бўлиб етишишлари зарурлигини таъкидлаб ўтди.

2017 йил 4 май куни маънавият ва маърифат секторида “Хотира абадий, қадр муқаддас” мавзусида давра сухбати ўтказилди. Тадбирда доимий фойдаланувчилар иштирок этди.

Тадбирни сектор ходими О. Юнусова олиб борди ва Хотира ва қадрлаш тушунчаси чуқур маънога эга эканлиги, ушбу кунда фашизмга қарши курашларда қатнашган, қолаверса ўз Ватанини ҳимоя қилишда жонини фидо қилган, ҳалқ орзу қилган эркинлик учун курашган миллий қаҳрамонларимизни руҳини шод этиб эслаш ҳам фарз ҳам қарзлигини таъкидлади.

Тадбир давомида китобхонларга фарғоналий қаҳрамонларга бағишлиланган слайд намойиш этилди. Тадбир учун “Инсон қадри азиз, ўтганлар хотираси муқаддас” мавзусида кўргазма ташкил этилиб, китобхонларни кўргазмадаги нашрлар билан танишириб ўтилди.

10 май куни вилоят ахборот кутубхона маркази ходимлари учун 9 май “Хотира ва қадрлаш куни” га бағишлиланган “Хотира муқаддас – инсон қадри азиз” мавзусида маънавият соати бўлиб ўтди.

Тадбирни умумий ўқув зали сектори ходими М. Узакова олиб борди ва Хотира, бу – унутмаслик, шунинг билан бирга, хотира тириклий чашмаси эканлиги, Иккинчи жаҳон урушида ҳалок бўлган минглаб юртдошларимиз хотирасини ёд этиш, оловли жангтоҳлардан

омон қайтган боболаримизга, оғир кунларни сабр-бардош билан енгган, мاشаққатли дақиқаларда ҳам ўзлигини йўқотмаган, имони бутун юртдошларимизга ҳурмат-эҳтиром кўрсатиш том маънода миллий қадриятга айланганлигини айтиб ўтди.

Жами тадбирларда 105 нафар китобхон иштирок этди. Ташкил этилган кўргазмаларга 37 нусха нашр тавсия этилди.

АКМ кутубхонадан ташқарида бўлиб ўтадиган тадбирларда ҳам фаол иштирок этади. Жумладан,

21 март куни Санъат саройи майдонида Наврӯз байрами муносабати билан бўлиб ўтган тадбирда Ўзбекистоннинг биринчи Президенти И. Каримов, Наврӯз га бағишлиланган кўргазмалар билан иштирок этдик. Тадбирга 3000 дан ортиқ Фарғона аҳолиси ва меҳмонлар ташриф буорди.

26 март куни “Нуроний” жамғармаси шаҳар бўлимининг янги биноси очилишида иштирок этдик. 400 киши ташриф буорди.

13 апрель куни Имкониятлари чекланган шахслар учун ихтисослаштирилган Фарғона шаҳар Республика қасб-хунар коллежида бўлиб ўтган “Биз тинчлик истаймиз” мавзусида терроризмга қарши курашга бағишлиланган тадбирда иштирок этдик. 350 киши ташриф буорди.

14 апрель куни марғилонлик шоира Увайсийга бағишлиланган тадбирда шоира ижодидан намуналар, ҳаёти ва ижодий фаолиятига оид материаллар асосида ташкил этилган кўргазма билан иштирок этдик. Тадбир шоиранинг уй-музейида бўлиб ўтди, унда 2000 киши (ўқувчилар, ўқитувчилар, шоир ва ёзувчилар, Тошкентлик меҳмонлар) ташриф буорди.

16 май куни шоир Ҳувайдога бағишилаб Маънавият ва маърифат маркази томонидан ташкил этилган “Ҳассос ва мутасаввуф шоир” мавзусидаги адабий кечада иштирок этдик. Тадбир учун “Қардошлиқ ва тўғрисўзликни улуғлаган шоир” мавзусида китоб кўргазмаси ташкил этилди. Адабий кеча Чимён қишлоғида бўлиб ўтди, унга 150 киши ташриф буорди.

Ўлкашуносликка оида адабиётларни тарғиб этиш бўйича қуйидаги ишлар амалга оширилди:

Маънавий-маърифий тадбирлар:

12 апрель куни ўлкашунослик секторида шоир, адабиётшунос олим Бокий таваллудининг 125 йиллигига “Умрбоқий Бокий” мавзусида тадбир ўтказилди.

Бокий Алишер Навоийнинг 500 йиллик юбилейини нишонлаш муносабати билан ташкил этилган республика қўмитасига илмий маслаҳатчи этиб сайланган. Алишер Навоий асарларини эски ўзбек ёзувидан янги ёзувга ўтказишда кўмаклашган. Муқимий, Нодим Намангоний, Рожий Марғилоний ва Рожий Кўҳандийлар билан ўтказилган мушоараларда қатнашган. Ўзбек ва форс тилларида ғазаллар ёзган, Навоий асарларига мухаммаслар боғлаган. 1939 йилда Навоийнинг “Тухфат ул-афкор” қасидасини форсчадан ўзбекчага таржима қилган. Тадбирда 70 нафар ўқувчи ва талабалар, сектор фойдаланувчилари қатнашдилар.

2 июнь куни Марғилон тарихи музейида Марғилоннинг 2010 йиллигига бағишлиланган “Қадимий ва ҳамиша навқирон шаҳар” номли маънавий-маърифий тадбир ўтказилди. Ушбу тадбирда 23 нафар Марғилон педагогика коллежининг жисмоний тарбия йўналиши ўқувчилари ва музей ходимлари қатнашдилар.

Тадбир учун “Улуғлар бешигин тебратган шаҳар” номли китоб кўргазмаси тайёрланди ва кўргазмага шарҳ берди. Кўргазмадан 18 номда Марғилон тарихи, зиёратгоҳлари, ҳунарманд ва санъаткорлари ҳақида китоблар, Марғилон шаҳрига бағишлиланган шеърий тўпламлар жой олди. Тадбир давомида қатнашчилари учун музей заллари бўйлаб экскурсия ўтказилди

Ахборот дақиқаси:

2 май куни Ўзбекистон халқ шоири Иқбол Мирзо таваллудининг 50 йиллигига тадбир ташкил этилди. Тадбир қатнашчиларининг диққати шоир ҳаёти ва ижодига бағишилаб тайёрланган “Иқтидор ва эътироф эгаси” номли китоб кўргазмасига қаратилди. Халқимизнинг севимли шоири Иқбол Мирзонинг шеърий тўпламлари ўқиш учун тавсия

қилинди ва шоирнинг “Фарғонажон” шеърини ўқиб эшиттирилди. Тадбирда қатнашган 70 нафар сектор фойдаланувчилари шоир ижодидан баҳраманд бўлдилар.

8 июнь куни ўлкашунослик секторида Ҳазиний Хўқандий таваллудининг 150 йиллигига “Оташзабон шоир” мавзусида тадбир ўтказилди. Тадбирда 60 нафар талаба-ўқувчилар ва китобхонлар қатнашдилар. Тадбирни сектор мудири С.Юсупова олиб борди. У Ҳазиний ҳаёти ва ижоди ҳақида гапириб, шоирнинг асаллари билан танишитирди.

Ҳисобот даврида ўлкашуносликка оид адабиётларни тарғиб қилиш мақсадида жами 9 кўргазма ташкил этилди. Кўргазмаларда 81 ҳужжат тақдим этилди. Ҳужжатлар билан 504 нафар китобхон танишиди ва уларга 228 нашр берилди.

Бундан ташқари 4 марта кўчма кўргазмалар ташкил этилиб, 151 нусха нашрлар тақдим этилди.

Маълумотлар базаси билан ишлари:

- ✓ “Фарғоналик иқтидорли ёшлар”- З та мақола ҳажми 3.36 Мб – 8 китобхон фойдаланди.
- ✓ “Фарғона адиблари” – 22 нафар шоир ва ёзувчи ҳақида маълумот - 948 Kb.

Жамиятда хуқуқий маданиятни ошириш бўйича қўйидаги ишлар амалга оширилди:

2017 йил 24 март куни хуқуқий ахборот секторида Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонунининг мазмун-моҳиятини ёшларга тушунтириш юзасидан “Фуқаролар мурожаати – жамият кўзгуси” мавзусида Хуқуқий саводхонлик соати ташкил этилди. Тадбирда 23 нафар доимий фойдаланувчилар, талаба ёшлар иштирок этдилар.

Тадбирда Ўзбекистон миллий қонунчилик тизимидағи хужжатлардан бири “Жисмоний ва юридик шахсларнинг мурожаатлари тўғрисида”ги қонун Қонунчилик палатаси томонидан 2014 йил 29 октябрда қабул қилинганлиги, Сенат томонидан 13 ноябряда маъкулланганлиги ва Президентимиз томонидан 3 декабрда имзоланганлиги, 4 декабрь куни ОАВда эълон қилиниб ва шу кундан кучга кирганлигини маълум қилди. Давлат органлари, муассасалари ёки ҳалқ вакилларига мурожаат қилиш конституциявий хуқуқ бўлиб, уни амалга ошириш тартиб-таомиллари айнан шу қонунда янада тўлиқ акс эттирилганлиги, мазкур қонуннинг қабул қилиниши ва кучга кириши мамлакатимизда фуқаро ва давлат бир-бирига нисбатан ўзаро хуқуқдорлиги ва бурчдорлигининг ёрқин намунаси бўлиб, бу амалда давлат деб аталмиш ижтимоий-сиёсий тузилманинг зиммасидаги ижтимоий вазифаларига тўла мос келиши ҳақида тўхталиб ўтилди. Тадбир давомида ёшлар мавзу бўйича ўзларини қизиқтирган саволларга жавоб олдилар

2017 йил 27 апрель куни хуқуқий ахборот секторида “Истеъмолчи хуқуки - қонун химоясида” мавзусида Ўзбекистон Республикаси “Истеъмолчиларнинг хуқуқларини химоя қилиш тўғрисида”ги Қонунининг мазмун-моҳиятига қаратилган давра сухбати ўтказилди. Тадбирда 25 нафар кутубхона фойдаланувчилари, талаба ёшлар иштирок этдилар.

Тадбирда Ўзбекистон Республикасининг “Истеъмолчиларнинг хуқуқларини химоя қилиш тўғрисида”ги Қонуни ҳақида гапириб, ушбу қонун 30 моддадан иборат бўлиб, унга ўзгартиш ва қўшимчалар киритилганлиги, Қонуннинг мазмун - моҳияти юзасидан батафсил тўхталиб ўтилди. Шунингдек, фуқаролар Қонуннинг мазмун-моҳиятини янада чуқурроқ англаши, истеъмолчилар хуқуқлари ва мажбуриятларини тўлиқ билиши, ўз хуқуқларини химоя қилиши кераклиги, зарур ҳолларда истеъмолчилар хуқуқларини поймол бўлиш ҳолатларини олдини олиш мақсадида тегишли идораларга мурожаат қилишлари зарурлигини, “2017 йил - Халқ билан мулоқот ва инсон манфаатлари йили” деб ном берилиши бежизга эмаслигини таъкидлади.

Тадбир давомида иштирокчилар бугунги кунда тиббий хизмат қўрсатиш, электр энергияси таъминоти, сув таъминоти, газ таъминоти ҳамда транспорт хизмати каби соҳаларда бир қанча муаммолар борлиги, истеъмолчиларга қўрсатиладиган хизматларни сифатли ва қонунда белгиланган тартибда амалга оширишга эришиш лозимлигини айтиб ўтдилар.

24 май куни ҳуқуқий ахборот секторида “Суд-ҳуқуқ тизимидағи ислохотлар” мавзусида Ўзбекистон Республикаси Президентининг 2017 йил 21 февралдаги “Ўзбекистон Республикаси суд тизими тузилмасини тубдан такомиллаштириш ва фаолияти самарадорлигини ошириш чора-тадбирлари тўғрисида”ги ва 2016 йил 21 октябрдаги “Суд-ҳуқуқ тизимини янада ислоҳ қилиш, фуқароларнинг ҳуқуқ ва эркинликларини ишончли ҳимоя қилиш қафолатларини кучайтириш чора-тадбирлари тўғрисида”ги Фармонлари ҳақида давра сухбати ўтказилди. Тадбирда 20 нафар кутубхона фойдаланувчилари, талаба ёшлар иштирок этдилар.

Тадбир иштирокчилари томонидан 2017 йилда Жиноят, Жиноят-процессуал, Фуқаролик-процессуал, Хўжалик-процессуал кодекслари, шунингдек, “Судлар тўғрисида”ги қонун ва бошқа қатор қонунларга қўшимча ва ўзгартишлар киритилганлиги ҳақида берилган саволларига маълумотлар берилди.

Ҳисобот даврида Ҳуқуқий адабиётларни тарғиб қилиш мақсадида 7 та доимий ва 3 та мавзули, **жами 10 кўргазма ташкил этилди.** Кўргазмаларда 128 ҳужжат тақдим этилди. Ҳужжатлар билан 1096 нафар китобхон танишиди ва уларга 677 нашир берилди.

Ҳисобот даври давомида турли мавзуларда **398** марта библиографик сўров ва маслаҳатлар берилди. Сўровларни бажариш учун қуйидаги ахборот-ҳуқуқий тизимлардан фойдаланилди:

- Norma - 241
- Lex.uz - 55
- Интернет – 63
- ЭК - 42

Ахборот-кутубхона маркази фаолиятидаги янгиликлар, ўтказилган тадбирлар оммавий ахборот воситаларида ёритиб борилади.

Фарғона радиоси: 3

5 май – интервью “Зиё” дастури- С. Юсупова Ўлкашунослик сектори фаолияти ҳақида
23 май – интервью “Обод оила” дастури – С. Юсупова Болаларда ўқишга қизиқиши, мутолаа маданияти

23 май – интервью “Фарғона дилбари” дастури - Д. Кадирова Қайнона-келин муносабатлари ҳақида.

Мақолалар: 6

Солижонов М. Китоб – эзгуликка чорлайдиган дўст // Фарғона ҳақиқати.- 2017. -4 март.- №19

Аслонов Ш. Кўқонда “Китобхонлик байрами”// Фарғона ҳақиқати.-2017.- март.-№22.

Аслонов Ш. Китоб мутолаасини шакллантириш ҳамда тарғибот қилишнинг долзарб масалалари // X I халқаро конференция “Фан, таълим маданият ва бизнесда интернет ва ахборот-кутубхона ресурслари”.- 26-27. 04. 2017 Б. 90-95

Ахмедов Д.. Продвижение книги и чтения в молодежной среде // X I халқаро конференция “Фан, таълим маданият ва бизнесда интернет ва ахборот-кутубхона ресурслари”.- 26-27. 04. 2017 С. 96-100

Мирзалиев Д. Фарғона вилоят ахборот кутубхона марказининг йиғма электрон каталогини шакллантириш // X I халқаро конференция “Фан, таълим маданият ва бизнесда интернет ва ахборот-кутубхона ресурслари”.- 26-27. 04. 2017 Б. 225-228.

Саляхова X. Қадр – муқаддас, хотира – азиз //Хабар.-2017.-12 май.

Ўзбекистон Республикаси Президентининг 2017 йил 12 январдаги “**Китоб маҳсулотларини чоп этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғибот қилиш бўйича комиссия тузиш тўғрисида**”ги

фармойиши вазифалари ижросини таъминлаш бўйича амалга оширилган ишлар ҳақида маълумот.

Вилоятимизда аҳоли, айниқса, ёшларнинг мутолаага қизиқишини ва китобхонлик маданиятини оширишга алоҳида эътибор қаратилмоқда.

2017 йил 14 апрель куни Фарғона шаҳар педагогика коллежида ахборот-кутубхона маркази билиография бўлими ва электрон ўқув зали ҳамкорлигида “Кутубхона – маърифат маскани” мавзусида ахборот куни ўтказилди. Тадбирда колледжнинг “Кутубхонашунослик” йўналиши 1 курс ўқувчиларидан 30 нафари иштирок этди.

Ахборот-билиография бўлими мудири Д. Мамадиева ўқувчиларни ахборот-кутубхона соҳасига оид қонун ва қарорлар, фармойишларнинг мазмун-моҳияти, ахборот-кутубхона маркази таркибий бўлимлари фаолияти, ўтказилаётган тадбирлар, кутубхоначилик соҳасидаги янгиликлар ҳақида маълумот берди.

Электрон ўқув зали мудири Н. Саломов бугунги кунда ахборот-кутубхона марказларининг моддий техника базаси замон талабларига мос равишда жиҳозланаштирилганлиги, китобхонларга яратилаётган қулайликлар ҳақида маълумот берди. Айни вақтда хизмат кўрсатиш сифатини ошириш, китобхонларга қулайликлар яратиш мақсадида кутубхона фонди рақамлаштирилганлиги, замонавий компьютер технологияларининг жорий этилиши билан масофадан туриб керакли бўлган маълумотларни олиш имконияти кенгайиб бораётгани, йиғма электрон каталог ва тўлиқ матнли маълумотлар базаси яратилаётганини айтиб ўтди. Тадбир доирасида янги нашрлар кўргазмаси ташкил этилди. Ўқувчилар ўзларини қизиқтирган саволларга жавоб олдилар.

2017 йил 26 апрель куни абонемент секторида Халқаро китоб ва муаллифлик хуқуқларини ҳимоя қилиш куни муносабати билан “Китоб-тафаккур меваси” мавзусида давра сұхбати ўтказилди. Тадбирда 35 нафар доимий китобхонлар иштирок этди.

Тадбирни сектор мудири Г.Тўхтасинова олиб борди ва донолар китоб, китобхонлик ҳақида фикр билдирап эканлар, адабиёт билан ошно қалба ҳеч қачон ёмонлик ин қурмаслигини, айниқса болаликданоқ китобга меҳр кўйган инсонларнинг жамиятда ўз ўрни, одамлар орасида обрў- эътиборли эканликлари алоҳида таъкидланганлигини айтиб ўтди.

Тадбир иштирокчиларидан М. Улканова, С. Маҳмудова, Г. Йўлчиевалар энг яқин дўст, энг зарур ҳамкор бўлган китоб, инсоният кашф этган ихтиrolарнинг энг буюги ва энг қадрлиси, замонлар ўртасида, ўз ўрнини ҳеч нимага бўшатиб бермаган мўъжиза эканлиги, ёшлар ўртасида китоб мутолааси ва китобхонлик маданиятини ошириш борасида давлатимиз томонидан хайрли ишлар олиб борилаётганлигини айтиб ўтдилар.

Тадбир учун “Китоб-тафаккур меваси” мавзусида кўргазма ташкил этилди.

2017 йил 26 май куни Аҳмад Фарғоний номидаги вилоят маданият ва истироҳат боғида республикамизда ҳар йили ўтказиладиган анъанавий “Китоб байрами” бўлиб ўтди.

Тадбирнинг мақсади - ёшларда китобга ва мутолаага муҳаббат уйғотиш, уларни мамлакатимизнинг ўндан ортиқ, шу жумладан “Фарғона” нашриётида чоп этилган янги нашрлар билан яқиндан таништиришdir.

АҚМ жамоаси ҳам ушбу тадбирда фаол иштирок этди. “Халқ билан мuloқot ва инсон манфаатлари йили”, Ўзбекистоннинг биринчи Президенти Ислом Каримов хотирасига, “1 июнь- Халқаро болаларни ҳимоя қилиш куни”, севимли шоиришимиз Ўзбекистон халқ шоири Эркин Воҳидов таваллудининг 85 йиллиги муносабати билан китоб кўргазмалари ташкил этилди.

Байрамда бир неча номинациялар бўйича кўрик-танлов ғолиблари тақдирландилар. Шуниси қувонарлики, иккита номинация бўйича АҚМ ғолиб бўлди.

“Энг фаол кекса китобхон” номинациясида АҚМ абонемент сектори доимий китобхони Мадраҳимов Гаппар;

“Энг яхши оиласи китобхон” номинациясида Элбек Хайдаровлар оиласи ғолиб бўлди ва ташаккурнома ҳамда қимматбаҳо совғалар билан тақдирландилар.

Байрамнинг асосий иштирокчилари – олий ўқув юртлари талабалари, колледж, лицей ва

мактаб ўқувчилари АКМ томонидан ўтказилган интеллектуал викториналарда катта қизиқиш билан қатнашдилар. Викторина саволларига түғри жавоб берган энг фаол иштирокчилар “Фарғона” нашриёти томонидан совғалар билан тақдирландилар.

“Китоб байрами” доирасида “Мен ўқиши севаман” акцияси ўтказилди.

Ўтказилган тадбирларда 2000 дан ортиқ фуқаролар иштирок этди.

2 чорак давомида АКМ ходимлари томонидан Бешариқ, Данғара, Ёзёвон, Олтиариқ, Риштон, Тошлок, Учкўприқ, Фарғона, Фурқат, Қува, Қўштепа туманлари касб-хунар коллежлари АРМлари иш фаолияти ўрганилди ва тегишли кўрсатмалар берилди.

АКМ Фарғона горнizonи тасарруфидаги ҳарбий кутубхоналар билан ҳамкорликда иш олиб боради.

2017 йил 5 май куни Фарғона горнizonи ҳарбий қисм кутубхоначилари учун “АРМ ишини ривожлантириш юзасидан методик тавсиялар” мавзусида семинар бўлиб ўтди.

Семинарда “Ахборот-кутубхона муассасаларида кўргазмали тарғибот турлари” мавзусида кўргазмали тарғибот турлари, кўргазмани ташкил қилиш босқичлари, турлари ва уларнинг самаралари акс эттирилган слайд-тақдимот намойиш этилди.

Бундан ташқари “Ахборот-кутубхона марказида кутубхона ва ахборот ҳужжатларини комплектлаш”, “Библиографик тавсиф қоидалари”, “Ўлкашунослик библиографияси” мавзулари кўриб чиқилди.

Кутубхоначиларга ўтилган мавзулар бўйича тайёрланган услубий қўлланмалар тарқатилди, берилган саволларга тўлиқ жавоб қайтарилди.

Ўзбекистон Республикаси алоқа, ахборотлаштириш ва телекоммуникация технологиялари давлат қўмитасининг 2013 йил 13 февралдаги 73-сон буйруғи бўйича амалга оширилган ишлар

1. Вилоят соҳа корхоналари раҳбарларининг вилоятдаги алоқа, компьютер технологиялари коллежлари ўқувчилари билан ўтказилган учрашувларда АКМ директори Ш. Аслонов қатнашди.
2. **10 марта** Қувасой педагогика ва иқтисодиёт КХК “Кутубхонашунослик” бўлими 2 курс 56-16 гурух ўқувчилари – 15 нафар/ 5 кун (ҳар чоршанба;
3. **14 апрелдан** Фарғона компьютер технологиялари КХК (4 нафар);
4. **17 апрелдан** Фарғона педагогика коллежи (3 нафар), Қувасой педагогика ва иқтисодиёт коллежи (1 нафар), жами 8 нафар ўқувчилар “Кутубхоначилик асослари” ва “Кутубхона фаолиятини автоматлаштириш” йўналишлари бўйича амалиёт ўтамоқдалар.

Ахборот-кутубхоначилик ва ахборот коммуникация технологиялари соҳасида кадрларни қайта тайёрлаш ва малакасини ошириш Дастурини амалга оширилиши бўйича АКМда амалга оширилган ишлар

Замонавий технологияларни кутубхона фаолиятига тадбиқ этиш ходимлардан мунтазам таълим олиш, хизматлар рўйхатини кенгайтириш ва электрон ресурсларни шакллантириш кўникмаларига эга бўлишни талаб этади. Шунинг учун АКМда кутубхона кадрлари малакасини ошириш ишлари доимий аҳамият касб этади.

2017 йил 25 февралдан 6 майгача ҳафтанинг шанба кунлари “Республика худудларида АКТ, шу жумладан, “Электрон ҳукумат” тизимини жорий қилиш, миллий дастурий махсулотларни яратиш ва аҳолига ҳамда тадбиркорлик субъектларига кўрсатилаётган давлат хизматлари турларини ошириш масалалари” бўйича видеоконференция ўқув курсида 4 нафар ходим иштирок этди.

26-27 апрель кунлари Намангандеги шаҳрида бўлиб ўтган “Фан, таълим, маданият ва бизнесда интернет ва ахборот-кутубхона ресурслари” XI халқаро конференцияда АКМ ходимларидан 5 нафари иштирок этди.

Ҳар ойда барча ходимлар учун «Мутахассислик соати» ҳамда «Библиотека» ва «KUTUBXONA.UZ.» журналлари сахифалари бўйлаб шарҳлар бериб борилади.

АКМ ходимлари ўртасида Ўзбекистон Республикаси Президенти Шавкат Мирзиёевнинг асарлари, маърузалари, нутқлари мазмун-моҳиятини, бугунги кунда амалга оширилаётган давлат сиёсатининг устувор йўналишлари, кенг кўламли ислоҳотлар, қабул қилинган қонун ҳужжатларининг аҳамиятини тарғиб этиш бўйича ҳафтанинг чоршанба кунлари маънавият соатлари ўтказилмоқда. **2017 йил 2 чоракда 13 марта тадбирлар ўтказилди.**

Кутубхоначиларнинг иш фаолиятига ёрдам тариқасида қуидаги мавзуларда методик қўлланмалар ишлаб чиқилди:

1. “**Йирик кутубхонашунос ва библиограф**” Библиограф, тарихчи олим Е. К. Бетгер таваллудининг 130 йиллигига эслатма
2. “**Бокира қалб наволари**” Давлат арбоби ва маърифатпарвар шоира Нодирабегим (1792-1842) таваллудининг 225 йиллигига методик қўлланма
3. “**Инсон манфаати ҳар нарсадан устун**” “2017 йил - Халқ билан мулоқот ва инсон манфаатлари йили ” муносабати билан методик қўлланма
4. **Ҳуқуқингизни биласизми?** (кутубхоначилар учун ҳукукий қўлланма).

Қўлланмалар АКМ серверида жойлаштирилди ҳамда Фарғона, Тошлоқ, Ёзёвон, Учкўприк, Риштон, Қува, Данғара, Фурқат, Бешариқ туманлари касб-хунар коллежлари АРМларига тарқатилди.

Кутубхона муассасалари учун методик марказ сифатида АКМ ходимлари вилоят кутубхоначиларига кутубхона фаолиятида ахборот технологияларини қўллаш, янги иш шаклларини юритиш бўйича мунтазам семинар машғулотлари, методик ёрдам ва маслаҳатлар бериб келади.

2017 йил 5 май қуни “АРМ ишини ривожлантириш юзасидан методик тавсиялар” мавзусида семинар бўлиб ўтди. Семинарда Фарғона шаҳар ва Фарғона тумани касб-хунар коллежлари АРМлари ҳамда иштирок этдилар.

Семинарда “Ахборот-кутубхона муассасаларида кўргазмали тарғибот турлари” мавзусида слайд-тақдимот намойиш этилди. Унда кўргазмали тарғибот турлари, кўргазмани ташкил қилиш босқичлари, турлари ва уларнинг самаралари баён қилинди.

Шунингдек, “Ахборот-кутубхона марказида кутубхона ва ахборот ҳужжатларини комплектлаш”, “Библиографик тавсиф қоидалари”, “Ўлкашунослик библиографияси” мавзулари кўриб чиқилди.

Семинар қатнашчилари ҳар бир мавзу бўйича ўзларини қизиқтирган саволларга жавоб олдилар. Уларга ўтилган мавзулар бўйича тайёрланган услубий қўлланмалар тарқатилди.

2017 йил 15 май қуни Бешариқ тумани ижтимоий-иктисодиёт коллежи АРМ тармоқ кутубхонаси биносида “АКМ ҳужжатларининг юритилиши ва библиографик тавсиф қоидалари” мавзусида семинар ташкил этилди. Семинарда Бешариқ тумани автотранспорт, компьютер технологиялари ва сервис, енгил саноат ва хизмат кўрсатиш, қишлоқ хўжалиги, ижтимоий иқтисодиёт касб-хунар коллежлари АРМ раҳбарлари ва кутубхоначилари иштирок этдилар.

Семинарда ахборот-кутубхона ҳужжатларини комплектлаш бўлими мудири Д. Раимова комплектлаш бўлими ҳужжатларини юритиш, китобларни қабул қилиш ва рўйхатдан чиқаришни расмийлаштириш, жойларда учраётган хато ва камчиликлар ҳақида гапириб ўтди.

Ахборот-библиография бўлими мудири Д. Мамадиева семинар қатнашчиларига “библиографик тавсиф қоидалари” ҳақида маълумот берди. Ахборот-ресурс марказларида библиографик тавсиф қоидалари, каталог ва картотекаларни юритилиши қониқарли ахволда эмаслиги ҳақида таъкидлади ва каталог картотекаларнинг юритилиши бўйича тавсиялар берди. Семинар қатнашчиларига шу мавзу юзасидан тайёрланган тарқатма материаллар ва услубий қўлланмалар тарқатилди.

Семинар қатнашчилари ўзлари фаолият кўрсатаётган кутубхоналарда мавжуд муаммолар билан ўртоқлашишди ва ҳар бир мавзу юзасидан ўзларини қизиқтирган саволларга жавоб олишди.

2017 йил 19 май куни тадбирлар залида “АРМ ишини ташкил этишдаги долзарб муаммолар” мавзусида семинар ўтказилди. Семинарда Бағдод тумани қишлоқ хўжалиги касб-хунар коллежи ахборот-ресурс марказининг 24 нафар кутубхоначилари иштирок этдилар.

Семинарда АРМларда иш ва меъёрий ҳужжатларнинг юритилиши, фонд билан ишлашда мавжуд муаммолар ва уларни бартараф этиш йўллари, китобларни қабул қилиш ва уларни рўйхатдан чиқаришни расмийлаштириш, далолатномаларнинг намуналари, якка ва жамлама ҳисобга олиш ҳужжатларини юритиш, кутубхоначилик соҳасига оид давлат стандартлари, каталог, картотекаларнинг юритилиши, мақолаларнинг библиографик тавсифи, ўлкашунослик масалалари кўриб чиқилди.

Тадбир сўнггида тўхталиб ўтилган мавзулар юзасидан тайёрланган услубий кўлланмалар, тарқатма материаллар семинар иштирокчиларига тақдим этилди. Семинар қатнашчилари ўзларини қизиқтирган саволларга тўлиқ жавоб олдилар.

2 чорак давомида Бешарик, Дангара, Ёзёвон, Олтиариқ, Риштон, Тошлок, Учкўприк, Фаргона, Фурқат, Куба, Кўштепа туманлари касб-хунар коллажлари АРМлари фаолияти ўрганилди ва иш ва ҳисоб ҳужжатларининг юритилиши, кўргазмали тарғибот ишлари, адабиётларга ишлов бериш масалалари бўйича маслаҳатлар берилди.

Маслаҳатлар - 52/47 киши.

- Вилоят АРМлари раҳбарлари ва ходимлари учун:
 - «Кутубхоначилик иши»
 - «АРМ фаолиятида ахборот технологияларининг кўлланиши» - йўналишларида – 47 нафар ходимга 52 марта маслаҳатлар берилди.

Амалиётчи ўқувчилар билан ишлаш:

17 ва 25 апрель кунлари ФарДУ тарих факультети 2 курс 15-34, 15-36, 15-37 гурухлар талабалари 77 нафар,

3 май куни 1 курс 16-135 гурух 8 нафар талаба “Ўлкашуносликка оид нашрларни ўрганиш” мавзусида **ўлкашунослик секторида** амалиёт ўтадилар.

10 марта Кувасой педагогика ва иқтисодиёт КХК “Кутубхонашунослик” бўлими 2 курс 56-16 гурух ўқувчилари – 15 нафар/ 5 кун (ҳар чорсанба);

14 апрелдан Фаргона компьютер технологиялари КХК (4 нафар);

17 апрелдан Фаргона педагогика коллажи (3 нафар), Кувасой педагогика ва иқтисодиёт коллажи (1 нафар), жами 8 нафар ўқувчилар

➤ “Кутубхоначилик асослари” ва “Кутубхона фаолиятини автоматлаштириш” йўналишлари бўйича амалиёт ўтамоқдалар.

Кутубхона жараёнларини автоматлаштириш.

Бугунги кунда АКМда 73 компьютер мавжуд бўлиб, компьютерларнинг 72 таси Интернет тармоғига уланган. АКМ йиғма электрон каталогидан эркин фойдаланиш, Республиkanинг кутубхона корпоратив тармоғига чиқиш имконини берувчи учта сервердан иборат локал тармоқни ўзида жамлаган.

Фойдаланувчилар учун 30 АИЖлари яратилган бўлиб, улар МБлар билан ишлашлари, ЭКда қидирав ва буюртмани амалга оширишлари, офис дастурларида (Word, Exsel, Pover Point ва бошк.) ўзлари ишлашлари мумкин.

Фаргона вилояти аҳолисини ахборотдан фойдаланиш имконини кенгайтириш мақсадида, АКМ электрон ахборот ресурслар яратиш бўйича иш олиб бормоқда. Жумладан, фойдаланувчилар сўровлари бўйича Интернетдан олинган электрон ресурслар ва АКМ фондидан кўп сўраладиган нашрларни рақамлаштириш ишидир.

АКМ китоб фондини рақамлаштириш ишлари давом эттирилмоқда. 2017 йил 2 чорагида **175 китоб** рақамлаштирилди ва 290 китоб таҳрир қилинди. **Жами 3420 китоб** рақамлаштирилди.

Фойдаланувчиларга қўшимча нусха кўчириш, сканирлаш (электрон ташувчиларда ҳамда босма нашрларда) хизматлари қўрсатилади.

АКМ электрон каталоги билан мунтазам иш олиб бориш жараёнида каталогглаштириш бўлими томонидан янги келиб тушган нашрлар бўйича ёзувлар киритилмоқда, ЭКдаги ёзувлар инвентар дафтарлардаги ёзувлар билан солиширилмоқда. Шунингдек, таркибий бўлимлар ходимлари томонидан аввал киритилган ёзувлар (аннотация ёзиш ва индекс қўйиш бошқа майдонларни қўшиш) таҳрир килинмоқда.

Бугунги кунда **электрон каталогнинг ҳажми 147127** ёзувни ташкил этиб, улардан **144111** – ретровод ва янги адабиётлар, **525** - электрон ресурслар, **260** – музей нашрлари, **2231**- нодир нашрлар ташкил этади. 2017 йил 2 чоракда ЭКга **476 ёзув киритилди**, **2644 ёзув** таҳрир қилинди.

Ахборот- библиография бўлими **матбуот нашрларининг МБни** юритади, бу ерда матбуот нашрлари мақолаларининг аналитик тавсифи берилади, 2 чоракда МБга **507 ёзув** киритилиб, бугунги кунда ҳажми **31885** ёзувни ташкил этади.

Ахборот технологиялари бўлими томонидан дастурий таъминотни администрациялаш, локал тармоқни қўллаб-куватлаш, маълумотлар базаси хавфсизлигини таъминлаш ва уларга кириш ҳуқуқини тақдим этиш ишлари, Web – сайт билан ишлаш, уни бойитиш, компьютер, принтер, сканер ва бошқ. техник хизматлар бўйича мунтазам иш олиб борилади. Маълумотларнинг сақланишини таъминлаш мақсадида АКМнинг барча МБ дан захира нусха кўчириш амалга оширилади.

Фойдаланувчиларга хизмат қўрсатиш анъанавий тарзда ҳамда электрон технологиялар асосида олиб борилади.

Кутубхонанинг таълим функцияси ортиб бормоқда. Электрон ўқув зали ходимлари компьютер саводхонлиги асослари, электрон ресурслар ва маълумотлар базалари билан ишлаш қоидалари бўйича ҳар хафта ўқув машғулотлари ва ҳар куни якка маслаҳатлар беребормоқдалар. Ҳисобот даврида 6 марта дарслар ўтказилиб, машғулотларда 16 нафар АКМ фойдаланувчилари таълим олдилар.